

IZ INSTITUTA

DJELATNOST INSTITUTA U 1977. GODINI

Nije moguće u jednom ovakvom prikazu dati detaljniju informaciju o radu Instituta u toku jedne, relativno, plodne godine. Međutim, smatramo da i ovakva informacija može biti dovoljna da čitaoci dobiju predstavu o aktivnostima kojima se Institut bavio.

Zadaci Instituta za istoriju u Sarajevu u cjelini i njegovih saradnika pojedinačno bili su određeni planom rada Instituta za 1977. godinu, koji je izrađen na bazi Programa rada Instituta za period 1976—1980. godina. Tako su u toku 1977. godine rađene teme iz svih razdoblja: srednjeg vijeka, osmanskog perioda, perioda austrougarske vladavine i nove i najnovije istorije naroda i narodnosti Bosne i Hercegovine. Međutim, treba odmah kazati da je, s obzirom na strukturu naučnog kadra i njegovo predmetno opredjeljenje, kao i raniju orientaciju Instituta, težište rada je bilo i ove godine usmjereno na tematiku novije istorije. Pored pojedinačnih i grupnih projekata i tema koje su rađene prema planu rada Instituta, treba istaći da je sedam saradnika i tokom 1977. godine bilo angažovano na pisanju osnovnih dijelova IV, V i VI knjige višetomne istorije naroda Bosne i Hercegovine, čiji je neposredni organizator i nosilac Akademija nauka i umjetnosti Bosne i Hercegovine.

U okviru dokumentacije rađeno je na bibliografskoj obradi radničkih listova, te sređivanju dokumentacionog materijala i obavljanju drugih poslova.

Tokom godine saradnici Instituta su bili angažovani i na raznim drugim poslovima od značaja za razvoj istorijske nauke u Bosni i Hercegovini i Jugoslaviji. To se ogleda u aktivnom učeštu saradnika Instituta na naučnim

skupovima, publikovanju knjiga i naučnih radova u naučnim časopisima, učešća u radu brojnih redakcija i u emisijama radija i televizije, kao i u raznim drugim vidovima aktivnosti posvećenoj jubileju SKJ i druga Tita. Institut je ostvario i određenu saradnju s više naučnih ustanova u zemlji i nekim ustanovama i pojedincima u inostranstvu.

Zadaci Instituta, određeni planom rada, uglavnom su izvršeni. Određena odstupanja od plana javljala su se samo kao posljedica objektivnih razloga. Svako odstupanje od plana bilo je naknađeno drugim poslovima koji su se javljali kao nužni u određenom vremenu.

Evo pregleda konkretne aktivnosti i izvršenja planskih zadataka.

U realizaciji tematskog plana rada učestvovalo je 27 saradnika, i to: jedan naučni savjetnik, pet viših naučnih saradnika, četiri naučna saradnika, dva stručna savjetnika, jedan viši stručni saradnik, četiri asistenta — istraživača, tri asistenta i osam spoljnih saradnika. U radu je bilo 14 posebnih tema, 3 magistarska rada mlađih saradnika, dok je 7 saradnika radio na višetomnoj istoriji naroda Bosne i Hercegovine. Prema razdobljima: dvije teme su iz srednjeg vijeka (od kojih jedna magistarski rad), tri teme iz osmanskog perioda (od kojih jedna magistarski rad), četiri teme iz austrougarskog perioda, četiri teme su iz perioda 1919—1941. godine, tri teme iz perioda NOR-a, dok tri teme zahvataju šire vremensko razdoblje.

U toku 1977. godine završene su sljedeće teme:

1. »Vjerske zajednice i politička zbivanja u Bosni i Hercegovini od austrougarske okupacije 1878. do 1945. godine«, grupa autora.

2. »Istorijski razvoj SSRN Bosne i Hercegovine«, autora mr Uroša Nedimovića i Budimira Miličića.

3. »Tvrtko II Tvrtković — Bosna u prvoj polovini XV stoljeća«, autora mr Pave Živkovića.

4. »Posljednji Pavlovići — Bosna sredinom XV stoljeća«, autora mr Boris-a Nilevića.

Dva saradnika su odbranila magistarske radove, i to:

1. Mr Behija Zlatar, asistent, pod naslovom »Porijeklo muslimanskih aristokratskih porodica u Bosni i Hercegovini do kraja XVI stoljeća«.

2. Mr Boris Nilević, asistent, pod naslovom »Posljednji Pavlovići — Bosna sredinom XV stoljeća«.

U radu su bile sljedeće teme:

1. »Sarajevo u XVI vijeku«, obradivač mr Behija Zlatar, asistent — istraživač.

2. »Turska i revolucija 1848—1849. godine u jugoslovenskim zemljama«, obradivač mr Dušan Berić, asistent — istraživač.

3. »Pokušaj Porte da raseli Crnogorce početkom XVIII stoljeća s posebnim osvrtom na naseljavanje na teritoriji istočne Bosne«, obradivač Enes Pešić, asistent.

4. »Djelatnost bosansko-hercegovačkog sabora«, obrađivač dr Dževad Juzbašić, viši naučni saradnik.
5. »Bosna i Hercegovina i stvaranje jugoslovenske države 1918. godine«, obrađivač dr Luka Đaković, naučni saradnik.
6. »Borba Srba Bosne i Hercegovine za crkveno-školsku autonomiju«, obrađivač Božo Madžar, spoljni saradnik.
7. »Uloga Gajreta i Narodne uzdanice u političkom životu Muslimana do 1941. godine«, obrađivač Ibrahim Kemura, asistent.
8. »Nacionalno pitanje u Bosni i Hercegovini u svjetlu razvitka socijalističkog radničkog pokreta i narodnooslobodilačkog rata«, obrađivač dr Enver Redžić, spoljni saradnik.
9. »Đuro Đaković, monografija«, obrađivač, dr Ibrahim Karabegović, naučni saradnik.
10. »Radikalna stranka u Bosni i Hercegovini 1919—1941. godine«, obrađivač mr Tomislav Kraljačić, spoljni saradnik.
11. »Djelatnost HSS u Bosni i Hercegovini 1929—1941. godine«, obrađivač dr Tomislav Išek, naučni saradnik.
12. »Narodnooslobodilački pokret u Hercegovini 1942. godine«, obrađivač Nevenka Bajić, stručni savjetnik.
13. »Odnos Trećeg Rajha i NDH«, obrađivač mr Rafael Brčić, stručni savjetnik.
14. »Razvoj školstva u Bosni i Hercegovini 1941—1955. godine«, obrađivač Mitar Papić, spoljni saradnik.
15. »Sto godina socijalnog osiguranja u Bosni i Hercegovini«, autori:
 - a) dr Ilijas Hadžibegović, spoljni saradnik — radio je dio teme pod naslovom »Socijalno osiguranje u Bosni i Hercegovini 1878—1919. godine«,
 - b) dr Ibrahim Karabegović, naučni saradnik — dio teme pod naslovom »Socijalno osiguranje u Bosni i Hercegovini 1919—1941. godine«,
 - c) dr Drago Borovčanin, naučni saradnik — dio teme pod naslovom »Penziono osiguranje u Bosni i Hercegovini 1945—1978. godine« i
 - d) dr Zvonimir Stenek, spoljni saradnik dijelove teme: »Zdravstveno osiguranje u Bosni i Hercegovini 1945—1978. godine« i »Dječiji dodatak u Bosni i Hercegovini 1945—1978. godine«.
16. Istorija naroda Bosne i Hercegovine, tri knjige na kojoj rade saradnici Instituta, i to:
 - a) knjiga IV: dr Nusret Šehić i dr Dževad Juzbašić,
 - b) knjiga V: dr Nedim Šarac i dr Ahmed Hadžirović,
 - c) knjiga VI: dr Zdravko Antonić, mr Rafael Brčić i dr Rasim Hurem.

Pored rada na temama utvrđenih planom rada za 1977. godinu, Institut se tokom godine angažovao i na drugim značajnim naučnim zadacima.

Tako je Institut bio suorganizator ili je preko svojih saradnika uzeo učešća na nizu naučnih skupova i konferencija. To su:

a) VII konferencija istoričara Jugoslavije, održana u Novom Sadu, na kojoj su uzeli učešća:

1. mr Dušan Berić, referatom »Socijalna kretanja u Bosni 1848 godine»,
2. dr Luka Đaković, referatom: »Katoličko stanovništvo u Bosni i Hercegovini sredinom osamnaestog vijeka — u svjetlu podataka popisa iz 1743—1768. godine»,
3. dr Ahmed Hadžirović, referatom »Dinamika štrajkačko-tarifnog pokreta u Bosni i Hercegovini 1935—1941. godine»,
4. dr Tomislav Išek, referatom »Struktura HSS u Bosni i Hercegovini do 1929. godine»,
5. dr Dževad Juzbašić, referatom »O pitanju zaključenja ugovora o političkom savezu između vođstva srpskog i muslimanskog autonomnog pokreta u Bosni i Hercegovini»,
6. dr Ibrahim Karabegović, referatom »Idejne osnove i socijalna baza reformističkog radničkog pokreta u Bosni i Hercegovini»,
7. dr Nusret Šehić, referatom »Agrarno pitanje u programu muslimanskog autonomnog pokreta«.

b) Na naučnom skupu »Tito i revolucija«, održanom od 14. do 16. 12. 1977. godine u Kumrovcu, učestvovali su: dr Drago Borovčanin, referatom »Uloga Josipa Broza Tita u izgradnji narodne vlasti tokom NOR-a i revolucije«, te dr Zdravko Antonić i dr Ibrahim Karabegović.

c) Na naučnom skupu »Kozara u NOB-i i socijalističkoj revoluciji 1941—1945. godine«, održanom 27. i 28. oktobra 1977. godine, a čiji je suorganizator bio Institut, učestvovali su:

1. dr Drago Borovčanin, referatom »Nastanak i razvoj organa narodne vlasti na Kozari 1941—1945. godine«,
2. mr Rafael Brčić, referatom »Razlozi pojačanim vojnim i političkim mjerama njemačkog okupatora i ustaša na Kozari 1941—1942. godine«,
3. dr Luka Đaković, referatom »Postanak i razvoj rudnika Ljubije do 1941. godine«,
4. mr Uroš Nedimović, referatom »Prilog izučavanju NOF-a na Kozari«,
5. dr Zdravko Antonić, član Organizacionog odbora, uzeo učešća u diskusiji i
6. dr Ibrahim Karabegović, prisustvovao skupu u ime Društva istoričara Bosne i Hercegovine.

d) Na naučnom skupu »*Život i djelo Veselina Masleše*« održanom u Banjoj Luci, tokom godine, učestvovao je dr Nusret Šehić.

e) Na naučnom skupu »*Durmitorska partizanska republika 1941—1942. godine*«, održanom od 24. do 27. avgusta 1977. godine na Žabljaku, učestvovao je Budimir Miličić, referatom »*Društveno-ekonomske političke pretpostavke ustanka u durmitorskem kraju*«.

f) Na naučnom skupu »*Pedeset godina istorijskih zapisa i crnogorske istoriografije*«, održanom od 20. do 22. oktobra 1977. godine na Cetinju, učestvovao je dr Dževad Juzbašić.

g) Na savjetovanju »*Radnički pokret u Tuzli između dva svjetska rata*«, održanom u decembru 1977. godine u Tuzli, učestvovali su:

1. dr Zdravko Antonić, referatom »*Aprilska rat, okupacija i uspostavljanje okupatorsko-ustaške vlasti u tuzlanskoj oblasti*«,

2. mr. Rafael Brčić, referatom »*Rad organizacije KPJ u Tuzli u legalnom periodu djelovanja (1919—1920) i Husinska buna*«,

3. dr Luka Đaković, referatom »*Osvrt na razvoj ogranka mladobosanskog pokreta u tuzlanskoj gimnaziji 1906—1914. godine*«,

4. mr Uroš Nedimović, referatom »*Osvrt na djelatnost Nezavisnih sindikata u tuzlanskom bazenu 1921—1929*« i

5. dr Ibrahim Karabegović, referatom »*Stanje arhivske i druge građe o Mitru Trifunoviću-Uči*«.

h) Okruglom stolu »*Istorijski prometa u jugoslovenskim zemljama*«, koji je održan od 23. do 29. oktobra 1977. godine u Ljubljani, učestvovao je dr Dževad Juzbašić.

i) Na savjetovanju »*Semberija u NOB-i i revoluciji 1941—1945. godine*«, održanom 15. i 16. 12. 1977. godine u Bijeljini, učestvovao je dr Zdravko Antonić, referatom »*O saradnji NOP-a u istočnoj Bosni, Srbiji i Vojvodini 1944—1945. godine*«.

j) Savjetovanju »*Četiri decenije Saveza komunista Hrvatske*«, održanom u organizaciji Marksističkog centra CK SKH, Instituta za historiju radničkog pokreta Hrvatske i Fakulteta političkih nauka u Zagrebu, 25. i 26. novembra 1977. godine u Zagrebu, prisustvovao je dr Zdravko Antonić.

k) Savjetovanju »*Njegovanje i razvijanje revolucionarnih tradicija u udarničkom radu*«, koje je organizovalo Vijeće SSJ, održanom 10. i 11. novembra 1977. godine u Beogradu, prisustvovao je dr Zdravko Antonić.

l) Na naučnom skupu »*L' imperialismo italiano e l' occupazione fascista della Jugoslavia*«, održanom u Ankoni od 14. do 16. oktobra 1977. godine, učestvovao je mr Rafael Brčić referatom »*I piani Italiani nello 'Stato Indipendente Croato' 1941—1943 (con particolare riguardo alla Bosnia ed Erzegovina)*«.

I) Na konferenciji Jugoslovensko-čehoslovačke komisije za istoriju, održanoj 1977. godine u Čehoslovačkoj, učestvovao je dr Ibrahim Karabegović, referatom »Uticaj oktobarske revolucije na obnovu radničkog pokreta u Bosni i Hercegovini«.

U toku 1977. godine Institut je pripremio za štampu ili izdao sljedeće publikacije:

1. »Žene Bosne i Hercegovine u NOB-i«, koju je pripremila redakcija u sastavu: dr Zdravko Antonić, Nevenka Bajić, dr Drago Borovčanin, dr Rasim Hurem (odgovorni urednik) i mr Dubravka Škarica, a izdalo Izdavačko preduzeće »Svetlost« Sarajevo.

2. »Ivan Krndelj — građa za monografiju«, koju su pripremili: dr Ahmed Hadžirović i dr Ibrahim Karabegović, a izdao Institut i Izdavačko preduzeće »Rad« Beograd.

3. »Priloge« Instituta za istoriju, br. 13, koje je pripremila redakcija u sastavu: dr Adem Handžić, dr Zdravko Antonić, dr Pavo Andelić, dr Nikola Babić i dr Dževad Juzbašić (glavni i odgovorni urednik).

4. »Sindikalni pokret u Bosni i Hercegovini između dva rata«, autora dra Ahmeda Hadžirovića.

5. »Reformistički pravci u radničkom pokretu Bosne i Hercegovine 1921—1941. godine«, autora dra Ibrahima Karabegovića (u štampi).

6. »Izgradnja bosanskohercegovačke državnosti u uslovima NOR-a«, autora dra Draga Borovčanina (u štampi).

7. »Banja Luka u novijoj istoriji 1878—1945. godine«, referati istoimenog naučnog skupa, koju je priredila redakcija u sastavu: dr Nikola Babić (odgovorni urednik), dr Zdravko Antonić, mr Rafael Brčić, dr Nusret Šehić i Dušanka Kovačević.

Saradnici Instituta su objavili veći broj naučnih i stručnih radova, i to:

a) Članci i rasprave:

1. Dr Zdravko Antonić: 1. »Razvoj i specifičnosti ustanka u pojedinim zemljama i pokrajinama Jugoslavije«, za omladinsku školu »Borbe«, 2. »O narodnooslobodilačkom ustanku i revoluciji u Bosni i Hercegovini«, Ustanak i revolucija naroda i narodnosti Jugoslavije, Narodna armija, Beograd 1977. i 3. s drom Nusretom Šehićem »O nekim problemima struktuiranja i interpretacije istorije iz NOB-e i revolucije u nastavnim programima i udžbenicima«, časopis »Nastava povijesti«, br. 1—2/77.

2. Dr Drago Borovčanin: 1. »O izgradnji bosanskohercegovačke državnosti poslije Drugog zasjedanja AVNOJ-a«, Prilozi Instituta za istoriju u Sarajevu, br. 13/77. i 2. »Revolucija je riješila pitanje vlasništva«, »Opredjeljenja«, časopis za teoriju i praksu samoupravnog socijalističkog društva, br. 10—11/77.

3. Dr Luka Đaković, »Prilog osvjetljavanju političkih kretanja u jugoslovenskim zemljama Austro-Ugarske 1917—1918. godine«, Prilozi Instituta za istoriju, br. 13/77.

4. Dr Ahmed Hadžirović: 1. »Djelovanje i uticaj Komunističke partije Jugoslavije na sindikalni pokret između dva rata«, Sedamdeset godina sindikalnog pokreta u Bosni i Hercegovini, Republičko vijeće sindikata, Sarajevo 1977. godine i 2. »Sindikalni pravci i orijentacije u Bosni i Hercegovini 1935—1941. godine« u već pomenutoj publikaciji.

5. Dr Rasim Hurem: »O razvoju narodnooslobodilačkog pokreta u istočnoj Bosni u drugoj polovini 1942. godine«, Prilozi Instituta za istoriju, br. 13/77.

6. Ibrahim Kemura: »Proglas muslimanske akademske omladine u Beču od 1907. godine«, Prilozi Instituta za istoriju u Sarajevu, br. 13/77.

7. Budimir Miličić, prilog »List 'Oslobodenje' kao istorijski izvor«, Prilozi Instituta za istoriju, br. 13/77.

8. Dr Nedim Šarac: »Odnos socijaldemokratske stranke i sindikata u jugoslovenskim zemljama 1917. godine«, Zbornik radova Fakulteta političkih nauka u Sarajevu, Sarajevo 1976.

9. Dr Nusret Šehić: 1. »Neka pitanja agrara u politici muslimanskog autonomnog pokreta«, Prilozi Instituta za istoriju, br. 13/77. i 2. sa dr Zdravkom Antonićem: »O nekim problemima struktuiranja i interpretacije sadržaja iz NOB-e i revolucije u nastavnim programima i udžbenicima«, časopis »Nastava i povijest«, br. 1—2/77.

10. Mr Behija Zlatar: »Kopčići i Vilići — prilog pitanju izučavanja muslimanskih begovskih porodica u Bosni i Hercegovini u XVI stoljeću«, Prilozi Instituta za istoriju, br. 13/77.

11. Mr Pavo Živković: »Radić Ozrisaljić, trgovac i diplomata na dvoru Pavlovića«, Prilozi Instituta za istoriju, br. 13/77.

b) Kritike i prikazi:

1. Mr Dušan Berić: »Dr Milan Vasić, Gradovi pod turskom vlašću«, u knjizi *Istorijski spisi*, knjiga 3, tom 1, Titograd, str. 503—607, posebni otisak.

2. Dr Drago Borovčanin: »Sedamdeset godina sindikalnog pokreta između dva svjetska rata«, grupa autora, Republičko vijeće Saveza sindikata Bosne i Hercegovine, Sarajevo, 1977. godine, »Komunist«, organ Saveza komunista Jugoslavije i Saveza komunista Bosne i Hercegovine, Beograd, godina XXXV, br. 1.059 od 4. 7. 1977. godine, str. 16.

3. Dr Ahmed Hadžirović: »Sarajevo u revoluciji — revolucionarni radnički pokret 1937—1941«, Prilozi Instituta za istoriju, br. 13/77.

4. Dr Tomislav Išek: »Sarajevo u revoluciji — revolucionarni radnički pokret 1937—1941«, Sarajevo 1976, »Pregled«, br. 4/77.

5. Ibrahim Kemura, prikaz »Priloga« br. 13/77, »Pregled«, LXVIII/1978, 1, 143—147.

6. Budimir Miličić: »Sedamdeset godina sindikalnog pokreta u Bosni i Hercegovini 1905—1975. godine«, Republičko vijeće Saveza sindikata Bosne i Hercegovine, Sarajevo 1976, »Pregled«, br. 11—12/77.

7. Mr Uroš Nedimović, osvrt na naučni skup »Život i djelo Vladimira Copicā, Prilozi Instituta za istoriju, br. 13/77.

8. Mr Pavlo Živković, kritički osvrt na knjigu I. Vojje »Kreditne trgovine u srednjovjekovnom Dubrovniku«, Prilozi Instituta za istoriju, br. 13/77.

c) Ostalo:

1. Dr Zdravko Antonić, učestvovao u razradi projekta »Velike bitke u Jugoslaviji«, koji realizuje Jugoslovenska radio-televizija i s drom Nikolom Babićem recenzirao jedan dio rukopisa — Statistički podaci — koji je ušao u knjigu »Borbeni put Šeste istočnobosanske brigade«.

2. Nevenka Bajić je izradila stručni projekt o sredivanju građe i njenom korištenju u Dokumentacionom centru pri Konferenciji za društvenu aktivnost žena BiH.

3. Mr Rafael Brčić, završio je monografiju »Livanjski kraj u revolucionarnom radničkom pokretu i NOB-i«.

4. Dr Nedim Šarac, držao redovno nastavu na Fakultetu političkih nauka u Sarajevu, a mr Pavlo Živković na Filozofskom fakultetu u Sarajevu.

5. Dr Zdravko Antonić i dr Drago Borovčanin su učestvovali u televizijskoj dvočasovnoj emisiji »Fočanski propisi«, a dr Ahmed Hadžirović u šest polučasovnih emisija »Likovi revolucionara između dva rata«.

6. Dr Drago Borovčanin održao je tri predavanja na Radio-Sarajevu — program Radio-škola, a dr Tomislav Išek i dr Ibrahim Karabegović su održali više predavanja koje je organizovao Marksistički centar Gradske konferencije SK Sarajevo.

7. Saradnici Instituta su radili u izdavačkim savjetima izdavačkih kuća, i to:

a) dr Zdravko Antonić u Izdavačkom odboru edicije »Istorijska socijalistička Jugoslavija«, koju je izdala »Radnička štampa« Beograd,

b) dr Drago Borovčanin u Izdavačkom savjetu Vannovinskih izdanja NIŠRO »Oslobodenje« Sarajevo i

c) mr Rafael Brčić u žiriju za dodjelu nagrada za najbolje izdanje Izdavačkog preduzeća »Svetlost« Sarajevo.

Veći broj saradnika Instituta angažovan je u jednoj ili više redakcija naučnih i stručnih časopisa i knjiga u Institutu i van njega. Tako u redakciji časopisa *Prilozi* Instituta rade: dr Zdravko Antonić, dr Ahmed Hadžirović,

dr Dževad Juzbašić (odgovorni urednik) i Ibrahim Kemura, sekretar. U redakciji knjige »Banja Luka u novijoj istoriji 1878—1945. godine« radili su: Zdravko Antonić, mr Rafael Brčić, dr Nedim Šarac i dr Nusret Šehić. U redakciji zbornika »Ivan Krndelj — građa za monografiju«, radili su: dr Zdravko Antonić, dr Ahmed Hadžirović i dr Ibrahim Karabegović; u redakciji naučnog skupa »Kozara u NOB-i« radili su: dr Zdravko Antonić i mr Rafael Brčić; u redakciji časopisa »Pregled« dr Nedim Šarac; u redakciji časopisa »Glasnik Arhiva i Društva arhivskih radnika Bosne i Hercegovine«, dr Nedim Šarac i mr Rafael Brčić; u redakciji časopisa »Acta historicooeconomica Iugoslaviae«, dr Dževad Juzbašić; u redakciji naučnog skupa »Otpor austrougarskoj okupaciji Bosne i Hercegovine«, dr Luka Đaković; u redakciji naučnog skupa »Život i djelo Petra Kočića« dr Nusret Šehić i redakciji edicije »Sarajevo u revoluciji«, dr Zdravko Antonić i mr Rafael Brčić.

U dokumentaciji Instituta je radena istorijska obrada »Glasa slobode«, na redovnoj nabavci knjiga, časopisa i dnevne štampe za potrebe Instituta, te na evidentiranju cjelokupnog dokumentacionog materijala i mikrofilmova pohranjenih u depou dokumentacije.

Institut je ostvario dosta plodnu saradnju s naučnim ustanovama u zemlji. Ona se ogleda, prije svega, u činjenici da su, na naučnom skupu »Kozara u NOB-i i revoluciji 1941—1945. godine«, čiji je suorganizator bio Institut, uzeli učešće saradnici Vojnoistorijskog instituta iz Beograda, Instituta za savremenu istoriju iz Beograda, Vojnoizdavačkog zavoda »Vojno delo« iz Beograda, Instituta za historiju radničkog pokreta Hrvatske iz Zagreba, Instituta za istoriju radničkog pokreta Slavonije iz Slavonskog Broda, Fakulteta političkih nauka iz Sarajeva, Muzeja revolucije BiH iz Sarajeva i nekih drugih institucija.

S Katedrom za istoriju Filozofskog fakulteta u Sarajevu razvijena je, takođe, široka saradnja o nizu pitanja od zajedničkog interesa. Profesori ove katedre su članovi organa upravljanja u Institutu, članovi Naučnog vijeća, članovi komisija za izbor kandidata u naučna i stručna zvanja i sl.

I sa Katedrom za istoriju Filozofskog fakulteta u Beogradu i s Katedrom za istoriju Fakulteta političkih nauka u Sarajevu je ostvarena dobra saradnja. Tako mladi saradnici Instituta završavaju postdiplomski studij na Odjeljenju za istoriju Filozofskog fakulteta u Beogradu, prijavljaju doktorske disertacije i dr.

Posebno je ostvarena plodna saradnja sa Zajednicom institucija za noviju istoriju naroda i narodnosti Jugoslavije o nizu pitanja od interesa za istoriografiju naroda i narodnosti Jugoslavije. Naročito je značajna saradnja na organizaciji naučnih skupova o problemima od značaja za istoriju naroda i narodnosti Jugoslavije u cjelini. U tome sklopu su saradnici Instituta uzeli učešće na nizu naučnih skupova koje je organizovala Zajednica ili neka njezina članica.

I s Akademijom nauka i umjetnosti Bosne i Hercegovine ostvaruje se dobra saradnja. Sedam saradnika Instituta: dr Zdravko Antonić, mr Rafael Brčić, dr Ahmed Hadžirović, dr Rasim Hurem, dr Dževad Juzbašić, dr Nedim Šarac i dr Nusret Šehić saraduju na izradi istorije naroda i narodnosti Bosne i Hercegovine, a dr Dževad Juzbašić je i rukovodilac Potkomisije za austrougarski period.

Kada je riječ o međunarodnoj naučnoj saradnji, onda treba naglasiti da predstavnici Instituta redovno učestvuju na Evropskoj konferenciji za istoriju radničkog pokreta koja se svake godine održava u Lincu, Austrija. U 1977. godini je u Čehoslovačkoj održana i Konferencija jugoslovensko-čehoslovačke komisije za istoriju na kojoj je učestvovao dr Ibrahim Karabegović.

Organi upravljanja, izvršni i stručni organi Instituta su obavljali redovne poslove prema planu rada Instituta. Jedan od važnijih zadataka koji je obavljen u toku 1977. godine jeste to da su radnici Instituta, prilagođavajući svoju organizaciju i upravljanje Zakonu o udruženom radu i Zakonu o Institutu za istoriju u Sarajevu, donijeli Samoupravni sporazum o udruživanju u Institut za istoriju u Sarajevu. Ovim Sporazumom su određeni organi Instituta: Zbor radnika, Savjet Instituta i Naučno vijeće. Utvrđene su i njihove nadležnosti.

Odmah poslije izglasavanja Samoupravnog sporazuma izvršeni su i izbori za organe upravljanja.

Za predsjednika Zbora radnih ljudi izabran je dr Nusret Šehić.

U Savjet Instituta, koji broji 11 članova, izabrani su, imenovani i delegirani.

I Iz sastava radnika Instituta:

1. dr Ahmed Hadžirović, viši naučni saradnik, koji je izabran za predsjednika,
2. mr Rafael Brčić, stručni savjetnik,
3. Fatima Fejzagić, radnica,
4. Dragica Gerzić, daktilograf,
5. Budimir Miličić, viši stručni saradnik,
6. mr Uroš Nedimović, asistent — istraživač,
7. dr Pavo Živković, asistent — istraživač.

II Imenovani od Skupštine SRBiH:

1. Veselin Mitrašević, stručno-politički radnik u CK SKBiH,
2. Matko Kovačević, stručno-politički radnik u Republičkom vijeću sindikata.

III Delegirani od:

a) Filozofskog fakulteta u Sarajevu: dr Rade Petrović, redovni profesor, i od

b) Republičke zajednice za naučni rad: dr Ilijas Hadžibegović, docent.

Naučno vijeće Instituta ima 13 članova, koje sačinjavaju: dr Nedim Šarac, naučni savjetnik, predsjednik, dr Zdravko Antonić, viši naučni saradnik, direktor Instituta, dr Nikola Babić, naučni savjetnik, predsjednik Komisije za

istoriju Predsjedništva CK SKBiH, mr Rafael Brčić, stručni savjetnik, dr Ilijas Hadžibegović, docent, akademik Nedim Filipović, redovni profesor, dr Milan Gaković, docent, dr Rasim Hurem, viši naučni saradnik, dr Tomislav Išek, naučni saradnik, Božo Madžar, direktor Arhiva SRBiH, dr Nusret Šehić, viši naučni saradnik, mr Behija Zlatar, asistent — istraživač i dr Pavo Živković, asistent — istraživač.

Direktor Instituta je dr Zdravko Antonić, viši naučni saradnik.

Zaključujući ovaj prikaz, može se kazati da je aktivnost Instituta u 1977. godini bila plodna i da su saradnici, uglavnom, izvršili svoje radne zadatke.

Dr Drago Borovčanin